

馬志威與「一王兩后」王浩信、楊茜堯、林夏薇主演的無綫台慶劇《黑色月光》正在熱播，飾演十惡不赦「渣男」的馬志威享盡艷福，又與兩大視后有糾纏不清的感情瓜葛，更幾乎每一集都被女人埋身，從影逾十年的他直認今次是最多女對手的一次！

採·攝：記者 子棠

■馬志威拍《黑》劇最驚喜是贏得信任和友誼。



■楊茜堯於劇中暗地向馬志威復仇。



■馬志威與林夏薇演夫妻，但有名無實。

■馬志威感恩大家記得角色名字。

與「一王兩后」合作 收穫友誼

從影最多親熱戲 馬志威無福消受

馬志威首次參演無綫劇，於《黑色月光》飾演的蔣基俊是一名富家公子，亦是壞事做盡的渣男，另一亮點是他艷福無邊，周旋於一群女人之中，不過與兩位視后楊茜堯和林夏薇的埋身肉搏就只有「又頸」兼掌摑，還要跟視帝王浩信角力。不過馬志威表示拍得很放鬆：「第一日開工嘅第一個場口，導演就要求我狠狠咁對楊茜堯『又頸』，最初我都有啲唔好意思，因為大家本身唔識，只係睇圍讀見過，但佢叫我放心『又』過嚟，好專業。薇薇色誘我嗰一幕都同樣俾我『又頸』，好多謝佢哋令我拍得好放鬆，所以私底下我稱呼楊茜堯做『怡哥』，因為佢好Man，係一個爽直嘅人；薇薇亦好可愛；浩信仲過癮，佢好玩得，會啱戲入面拋出一啲新穎想法，令劇集更加豐富，戲裏戲外都好Nice。今次合作最驚喜係賺到信任同友誼，事關同怡哥、薇薇、浩

信、馬貫東等喺深圳拍咗兩個月，每日都見面，會一齊玩、食嘢同傾偈，大家培養咗好好嘅感情。」

電視尺度小兒科

提到與眾多女演員有激情戲，他坦言不享受：「相對電影尺度，今次絕對係小兒科！不過女對手嘅人數就係我從影以來最多嘅一次，事關多到我數唔晒。拍親熱戲其實好勁，一定要尊重對手，事先做好充足溝通，拍攝時又要遷就鏡頭，現場有好多工作人員睇住，所以真係唔享受！」

談到角色，他自有一番見解：「與其話蔣基俊係渣男，我會形容係變態嘅人，因為自小渴望父愛卻得唔到，形成扭曲性格不停去傷害人，其實係悲劇人物。現實中，壞人都唔會覺得自己壞，人嘅內心有好多唔同面貌，就算係一個好人

有時都會想做壞事，一個壞人都會做好事，每一個角色如是，何況我哋演員做緊乜？就係做人。」可擔心情緒戲成焦點而被忽略演技？他大方說：「冇所謂，只要觀眾記住角色就得，作為演員，會感恩大家記得角色名，比起記得『馬志威』呢個名仲開心。」



■女網紅笑言被王浩信電暈。

王浩信靚仔講乜都啱

王浩信離開無綫後，全力發展個人事業。早前他與直播帶貨女王ViVi Chan合作拍見工搞笑片，目的是宣傳二人首次合作的直播。日前直播出街，王浩信甫現身已迷倒直播間的女同事，一向口齒伶俐的ViVi亦笑言被他電暈：「你講咩都聽唔到啦，望住你個樣，你講咩都係好！今日呢個護膚系列有咩呢？呢個系列有王浩信！」王浩信笑言：「冇呀，我淨係嗰個直播出現，俾你搞到我講嘢都窒晒。」他坦言首次於香港做直播，覺得跟觀眾距離好近，好有親切感。

許靖韻作賤自己全靠祖兒

許靖韻推出今年第三首廣東歌《作賤》，她透露錄音時一直聽容祖兒的《出賣》幫助入戲：「我好鍾意呢首歌，依家個Feel亦好中，雖然歌詞唔同，但就係個感覺，真係慘絕人寰！」問到在愛情中肯否試過作賤自己？她笑言：「中學時冇七錢，試過連續好多日捱肚餓，同人share lunch，儲錢買波鞋畀當時嘅初戀。」她又舉另一例子：「同對方鬧交，每次都係我認錯先，每次分手都係我去氹番對方，試過直情去對方屋企求復合，諗番起都係作賤自己嘅經歷，哈哈！」



■許靖韻中學拍拖時試過作賤自己。

人憑劇貴工作不斷 龔嘉欣想做「廣告強人」

龔嘉欣之前於播畢的無綫劇《企業強人》憑出色喊功，獲網民封「淚之女王」，帶挈她工作不斷。昨日她出席護膚品牌活動，直認《企》劇播

出後多了10個工作，包括廣告、商演和直播等，部分更與陳豪合作：「可能我個角色畀人正能量，之前問過監製，希望我演到佢心目中嘅角色，監製都話滿意。」

嘉欣透露將拍飲食節目，明年2月才拍新劇，期待忙碌的生活節奏。她自爆有朋友想做「紅娘」，約食飯為她介紹男士，雖然並非單對單相睇，但被她一口拒絕，希望趁這兩年努力衝事業：「雖然下個月就35歲生日，但我各樣都保養得好呀！」提到今年視后之爭非常劇烈，她認為楊茜堯和胡定欣等都很用心演好角色，她能入5強已感滿足，又稱現時最緊要賺錢，笑言想做「搵錢強人」和「廣告強人」。



■龔嘉欣專心搵錢，不心急拍拖。

